



Concello de Cangas

Expediente núm.: 2871/2020

Procedemento: Selección de Persoal ao abeiro do programa da Deputación Provincial de Pontevedra de fomento da empregabilidade “O teu primeiro emprego” nos concellos 2020.

Asunto: Publicación das bases da convocatoria.

PUBLICACIÓN: Aprobadas por Decreto núm. 2020-1757 desta Alcaldía de data 22/09/2020 a convocatoria e bases para a selección e posterior contratación polo Concello de Cangas de 1 diplomado/grao en relacións laborais/relacións laborais e recursos humanos, 1 licenciado/grao en publicidade e relacións públicas, 1 diplomado en xestión e administración pública/grao en dirección e xestión pública e 1 grao en dereito/licenciatura en dereito ao abeiro da subvención outorgada por acordo da Xunta de Goberno da Deputación Provincial de Pontevedra de 28/08/2020 (BOPPO núm. 172 do 07/09/2020) dentro da tramitación do programa da Deputación Provincial de Pontevedra de fomento da empregabilidade “O teu primeiro emprego” nos concellos 2020, as bases do cal foron aprobadas por acordo da Xunta de Goberno da Deputación Provincial de Pontevedra de data 12/06/2020 (BOPPO núm. 117 do 19/06/2020) , procédese á súa publicación de acordo co disposto nas mesmas sendo as seguintes:

“BASES PARA A SELECCIÓN DE CATRO TRABALLADORES AO ABEIRO DO PROGRAMA DA DEPUTACIÓN PROVINCIAL DE PONTEVEDRA DE FOMENTO DA EMPREGABILIDADE “O TEU PRIMEIRO EMPREGO” NOS CONCELLOS 2020.

PRIMEIRA.- OBXECTO, RÉXIME DE CONTRATACIÓN, SISTEMA DE SELECCIÓN E PUBLICIDADE DA CONVOCATORIA

O obxecto das presentes bases é a selección e posterior contratación polo Concello de Cangas de 1 diplomado/grao en relacións laborais/relacións laborais e recursos humanos, 1 licenciado/grao en publicidade e relacións públicas, 1 diplomado en xestión e administración pública/grao en dirección e xestión pública e 1 grao en dereito/licenciatura en dereito co fin de poder adquirir a práctica profesional adecuada ao nivel de estudos cursados e facilitar a súa inserción no mercado laboral ao abeiro da subvención outorgada por acordo da Xunta de Goberno da Deputación Provincial de Pontevedra de 28/08/2020 (BOPPO núm. 172 do 07/09/2020) dentro da tramitación do programa da Deputación Provincial de Pontevedra de fomento da empregabilidade “O teu primeiro emprego” nos concellos 2020, as bases do cal foron aprobadas por acordo da Xunta de Goberno da Deputación Provincial de Pontevedra de data 12/06/2020 (BOPPO núm. 117 do 19/06/2020). As funcións a desenvolver serán as propias das titulacións de cadansúa categoría dentro do ámbito da área á que sexan asignados.

A contratación, segundo o establecido nas bases 4 e 15 das bases aprobadas por acordo da Xunta de Goberno da Deputación Provincial de Pontevedra de data 19/06/2020 (BOPPO núm. 117 do 19/06/2020) , será de carácter laboral e temporal, na modalidade de contrato en prácticas. Por un período de 6 meses prorrogables a contar desde a data da sinatura do contrato e coas retribucións previstas na valoración sobre a que se tramitou a subvención outorgada e que figuran incorporadas ao expediente.

Cos aspirantes que pola nota final non acadasen praza, confeccionarase un listado para a posible cobertura das baixas ou renuncias que se puideran producir entre o persoal que si resultase seleccionado, adxudicándose a contratación ao seguinte aspirante en puntuación.

O proceso de selección se desenvolverá cumprindo coas bases establecidas no anexo V das bases aprobadas por acordo da Xunta de Goberno da Deputación Provincial de Pontevedra de data 12/06/2020 (BOPPO núm. 117 do 19/06/2020).

Concello de Cangas

Avenida de Castelao, 2, Cangas. 36940 (Pontevedra). Tfno. 986300050. Fax: 986304850



Cod. Validación: 477LQK34GQ9GJ2KNA5DD3EHWX | Corrección: <https://cangas.sedelectronica.gal>
Documento asinado electronicamente desde a plataforma xestiona esPublico | Páxina 1 a 5



Concello de Cangas

A tal efecto o sistema de selección é o concurso cos criterios establecidos no citado anexo V.

As presentes bases estarán expostas ao público, no taboleiro de anuncios do Concello, na súa sede electrónica e de xeito complementario na páxina web do Concello durante o período de presentación de instancias, co fin de posibilitar a presentación de reclamacións ou suxestións. A sede electrónica do concello será igualmente o medio para dar publicidade a todas notificacións dos actos que deriven do proceso selectivo iniciado coas presentes bases

SEGUNDA.- REQUISITOS DOS/DAS ASPIRANTES

Para ser admitido/admitida á realización das probas selectivas os/as aspirantes deberán reunir os seguintes requisitos:

a) Ter nacionalidade española ou algunha outra que, consonte o disposto no artigo 52 da Lei 2/2015, do 29 de abril, do emprego público de Galicia, permita o acceso ao emprego público.

b) Titulación requirida (en función das prazas convocadas para as que os/as aspirantes foron preseleccionados/preseleccionadas):

.- diplomatura/grao en relacións laborais/relacións laborais e recursos humanos

.- licenciatura/grao en publicidade e relacións públicas

.- diplomatura en xestión e administración pública/grao en dirección e xestión pública

.- diplomatura/grao en dereito/licenciatura en dereito.

c) Non ter sido despedido/despida mediante expediente disciplinario de ningunha Administración pública ou dos órganos constitucionais ou estatutarios das comunidades autónomas, nin atoparse na situación de inhabilitación absoluta ou especial para o desempeño de empregos ou cargos público por resolución xudicial, cando se trate de acceder a mesma categoría á cal se pertencía. No caso de nacionais doutros estados, non estar inhabilitado ou en situación equivalente, nin ter sido sometido/sometida a sanción disciplinaria ou equivalente que impida no Estado de procedencia o acceso ao emprego público nos termos anteriores.

d) Ter feitos os dezaseis anos e non exceder, de ser o caso, a idade máxima de xubilación forzosa.

e) Posuír as capacidades e aptitudes físicas e psíquicas que sexan necesarias para o desempeño das correspondentes funcións ou tarefas.

f) Ser persoas demandantes de emprego desempregadas ou co cartón de mellora de emprego, inscritas no Servizo Público de Emprego, sendo remitidas por este servizo para participar neste proceso selectivo, e cumprir cos requisitos necesarios para a formalización dun contrato en prácticas, segundo o establecido na base 14 das bases aprobadas por acordo da Xunta de Goberno da Deputación Provincial de Pontevedra de data 12/06/2020 (BOPPO núm. 117 do 19/06/2020) e apartado 2 das bases do Anexo V das mesmas.

TERCEIRA.- ADMISIÓN DOS ASPIRANTES.

Segundo a base 3 do anexo V mencionado “o proceso de selección consistirá na valoración dos méritos acreditados polas persoas preseleccionadas polo Servizo Público de Emprego”, por tal motivo o listado de admitidos, que se aprobará por resolución de Alcaldía tralo remate do período de presentación de instancias, estará constituído por esas persoas preseleccionadas que formalizado a súa solicitude de participación para o que previamente o Concello de Cangas en base á subvención outorgada terá solicitado os aspirantes segundo o establecido nas bases aprobadas por acordo da Xunta de Goberno da Deputación Provincial de Pontevedra de data 12/06/2020 (BOPPO núm. 117 do 19/06/2020), mediante presentación de oferta de emprego na

Concello de Cangas

Avenida de Castelao, 2, Cangas. 36940 (Pontevedra). Tfno. 986300050. Fax: 986304850



Cod. Validación: 477LQK34GQ9GJ2KNA5DD3EHWX | Corrección: <https://cangas.sedelectronica.gal/>
Documento asinado electronicamente desde a plataforma xestiona esPublico | Páxina 2 a 5



Concello de Cangas

oficina de emprego de Cangas seguindo os criterios do anexo V das mencionadas bases, que realizará as sondaxes de demandantes aos que se lles comunicará a existencia desta oferta de emprego para que poidan concorrer convocándoos a reunión no Concello de Cangas na que se lle facilitará información sobre a convocatoria e o modelo de instancia para solicitar a súa participación e documentación a presentar de cara a avaliación .

As persoas aspirantes remitidas pola Oficina de Emprego que desexen tomar parte nas probas selectivas deberán formalizar a súa solicitude no modelo de instancia que se lles facilitará e que acompañarán da documentación a valorar de acordo coas bases do anexo V antes citado, que será presentada ata o día 30/09/2020 como máximo este día incluído.

Este modelo de instancia inclúe o modelo de declaración polo que se fai constar expresamente o cumprimento dos requisitos establecidos na base segunda, sen prexuízo de que ao final do proceso selectivo se deba acreditar documentalmente ese cumprimento. Non obstante deberá procederse a esta acreditación en calquera momento anterior se así o esixe o Negociado de Persoal do Concello ou o tribunal de selección.

O feito de figurar incluído na relación de aspirantes remitidos polo Servizo Público de Emprego e por tanto admitidos ao proceso, non prexulga que se lle recoñeza aos interesados a posesión dos requisitos esixidos no proceso selectivo convocado os cales deberán ser xustificados documentalmente no suposto de que os aspirantes admitidos superen a proba selectiva. O Concello poderá requirir en calquera momento a comprobación de estar en posesión dos requisitos da convocatoria establecidos nas presentes bases e excluír do proceso a calquera aspirante que non reúna ditos requisitos.

CUARTA.- TRIBUNAL CUALIFICADOR

O tribunal que xulgará as probas terá por obxecto garantir e supervisar o correcto desenvolvemento do proceso en tódalas súas fases. Estará composto por cinco membros. Non poderá constituírse sen a asistencia como mínimo de tres dos seus membros titulares ou suplentes.

Os membros titulares e suplentes terán igual ou maior titulación ca esixida aos aspirantes á praza convocada, e terán voz e voto.

Os/as membros do tribunal deberán absterse de intervir, comunicándolle á Alcaldía cando conorra neles algunha das circunstancias previstas no artigo 23 da Lei 40/2015 de 1 de outubro de Réxime xurídico do sector público.

Así mesmo, os aspirantes, poderán recusar os membros do Tribunal cando nos mesmos conorra algunha das circunstancias previstas para a abstención de conformidade co establecido no art. 23 e 24 da Lei 40/2015 de 1 de Outubro de Réxime xurídico do sector público.

A composición efectiva do tribunal farase pública no Taboleiro de Anuncios da Casa do Concello, integrando a resolución pola que se publique a lista provisional de admitidos e excluídos ao proceso selectivo, co fin de posibilitar a formulación de recusación contra os membros da comisión de selección.

Concello de Cangas

Avenida de Castelao, 2, Cangas. 36940 (Pontevedra). Tfno. 986300050. Fax: 986304850



Cod. Validación: 4Y7LQK34GQG9CJ2KNA5DD3EHWX | Corrección: <https://cangas.sedelectronica.gal/>
Documento asinado electronicamente desde a plataforma xestiona esPublico | Páxina 3 a 5



Concello de Cangas

O Tribunal poderá contar coa colaboración dos asesores externos que considere oportunos, que actuarán con voz e sen voto, limitándose a presta-la súa colaboración nas súas especialidades técnicas.

QUINTA.- FORMA DE DESENVOLVEMENTO E SISTEMA DE CUALIFICACIÓN

A selección desenvolverase de acordo coas bases publicadas no anexo V das bases da convocatoria do programa aprobadas por acordo da Xunta de Goberno da Deputación Provincial de Pontevedra de data 12/06/2020 (BOPPO núm. 117 do 19/06/2020) e o sistema de cualificación alí establecido.

A publicación da puntuación final será publicada no xeito exposto nas bases antes do remate do día 06/10/2020 e os contratos serán formalizados cos catro aspirantes seleccionados antes do remate do prazo máximo outorgado pola resolución de outorgamento da subvención.

SEXTA.- PROTECCIÓN DE DATOS DE CARÁCTER PERSOAL

De acordo co disposto na Lei Orgánica 3/2018, do 5 de decembro, de Protección de Datos Persoais e garantía dos dereitos dixitais, os datos de carácter persoal que se faciliten para a participación no presente proceso de selección de persoal incorporaranse a un ou varios ficheiros, cuxo responsable é o Concello de Cangas, onde as persoas aspirantes poderán exercer en todo momento os dereitos de acceso, rectificación e cancelación. Mediante a participación no presente proceso selectivo, as persoas aspirantes ao mesmo, consenten o tratamento dos seus datos persoais coa finalidade de levar a cabo a selección de persoal, o rexistro de solicitudes, a cualificación de probas, a avaliación das persoas aspirantes, así como a provisión do posto. Igualmente, as persoas aspirantes prestan o seu consentimento para que os seus datos persoais sexan comunicados mediante a súa exposición no Boletín Oficial da Provincia de Pontevedra e no taboleiro municipal (físico e electrónico), a efectos de dar a publicidade esixida ao procedemento de selección, aos representantes dos/as traballadores/as, así como aquelas cesións autorizadas nunha norma con rango de Lei.

SÉTIMA .- DISPOSICIÓN FINAL

As presentes bases e cantos actos administrativos deriven das mesmas e das actualizacións do tribunal de selección, poderán ser impugnados nos casos e na forma establecidos pola Lei 39/2015, de 1 de outubro, de procedemento administrativo común das Administracións Públicas e polo disposto nas presentes bases.

Así mesmo a administración municipal poderá, no seu caso, proceder á revisión das resolucións dos tribunais conforme ó previsto na devandita Lei 39/2015, de 1 de outubro, de procedemento administrativo común das Administracións Públicas.”

ANEXO I

INSTANCIA PARA PARTICIPAR NO PROCESO SELECTIVO PARA CUBRIR 4 PRAZAS AO ABEIRO DO PROGRAMA DA DEPUTACIÓN PROVINCIAL DE PONTEVEDRA DE FOMENTO DA EMPREGABILIDADE “O TEU PRIMEIRO EMPREGO” NOS CONCELLOS 2020.

APELIDOS, NOME:

TELÉFONO:

Concello de Cangas

Avenida de Castelao, 2, Cangas. 36940 (Pontevedra). Tfno. 986300050. Fax: 986304850



Cod. Validación: 477LQK34GQ9CJ2KNA5DD3EHWX | Corrección: <https://cangas.sedelectronica.gal/>
Documento asinado electronicamente desde a plataforma xestiona esPublico | Páxina 4 a 5



Concello de Cangas

DNI:

ENDEREZO:

ENDEREZO ELECTRÓNICO:

PRAZA PARA A QUE FOI PRESELECCIONADO:

Solicita participar no proceso selectivo indicado na cabeceira convocado polo Concello de Cangas ao abeiro da subvención outorgada por acordo da Xunta de Goberno da Deputación Provincial de Pontevedra de 28/08/2020 (BOPPO nº 172 do 07/09/2020) dentro da tramitación do programa da Deputación Provincial de Pontevedra de fomento da empregabilidade “O teu primeiro emprego” nos concellos, as bases do cal foron aprobadas por acordo da Xunta de Goberno da Deputación Provincial de Pontevedra de data 12/06/2020 (BOPPO núm. 117 do 19/06/2020), achegando xunto coa presente instancia a documentación que desexo que sexa valorada polo Tribunal de acordo coas bases da convocatoria.

Por medio do presente declara que cumpre cos requisitos necesarios para a formalización dun contrato en prácticas, non se atopa incurso/a en ningunha causa de incompatibilidade ou incapacidade que determine a lexislación vixente e que cumpre tódolos requisitos esixidos na convocatoria (en particular os expostos na base segunda) e que non foi separado/a mediante expediente disciplinario do servizo de calquera das administracións públicas, nin atoparse inhabilitado para o exercicio das funcións públicas.

Cangas, de de 2020

Asdo. :

DOCUMENTACIÓN A PRESENTAR XUNTO Á PRESENTE SOLICITUDE:

- A presente instancia, debidamente **cuberta e asinada.**
- Fotocopia do D.N.I.
- Fotocopia da titulación esixida .
- Documentación que será obxecto de valoración”

O que se publica aos efectos oportunos

DOCUMENTO ASINADO DIXITALMENTE

Concello de Cangas

Avenida de Castelao, 2, Cangas. 36940 (Pontevedra). Tfno. 986300050. Fax: 986304850



Cod. Validación: 4Y7LQK34GQ9GJ2KNA5DD3EHWX | Corrección: <https://cangas.sedelectronica.gal/>
Documento asinado electronicamente desde a plataforma xestiona esPublico | Páxina 5 a 5